



KEMENTERIAN PENDIDIKAN MALAYSIA



BAHASA IBAN TAHUN 5





RUKUN NEGARA

Bahawasanya Negara Kita Malaysia

mendukung cita-cita hendak:

Mencapai perpaduan yang lebih erat dalam kalangan seluruh masyarakatnya;

Memelihara satu cara hidup demokrasi;

Mencipta satu masyarakat yang adil di mana kemakmuran negara akan dapat dinikmati bersama secara adil dan saksama;

Menjamin satu cara yang liberal terhadap tradisi-tradisi kebudayaannya yang kaya dan pelbagai corak;

Membina satu masyarakat progresif yang akan menggunakan sains dan teknologi moden.

MAKA KAMI, rakyat Malaysia,
berikrar akan menumpukan
seluruh tenaga dan usaha kami untuk mencapai cita-cita tersebut berdasarkan prinsip-prinsip yang berikut:

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN**

(Sumber: Jabatan Penerangan, Kementerian Komunikasi dan Multimedia Malaysia)

KURIKULUM STANDARD SEKOLAH RENDAH (SEMAKAN 2017)

BAHASA IBAN TAHUN 5

PENULIS

CONNIE ANAK TENSAY
INU ANAK SINJU
NATA ANAK APEK

EDITOR

CHIEW ANAK SERIT

PEREKA BENTUK

SULAIMAN BIN MOHAMAD

ILUSTRATOR

HELMY BIN AHMAD
AMINURASHID BIN YEOP AZIZ

SK BATU ANGGUNG



DBP



DEWAN BAHASA DAN PUSTAKA
KUALA LUMPUR
2020



KEMENTERIAN PENDIDIKAN MALAYSIA

No. Siri Buku: 0003

KK 499-221-0102061-49-2841-20101

ISBN 978-983-49-2841-4

Cetakan Pertama 2020

© Kementerian Pendidikan Malaysia 2020

Hak Cipta Terpelihara. Mana-mana bahan dalam buku ini tidak dibenarkan diterbitkan semula, disimpan dalam cara yang boleh dipergunakan lagi, ataupun dipindahkan dalam sebarang bentuk atau cara, baik dengan cara bahan elektronik, mekanik, penggambaran semula mahupun dengan cara perakaman tanpa kebenaran terlebih dahulu daripada Ketua Pengarah Pelajaran Malaysia, Kementerian Pendidikan Malaysia. Perundingan bertakluk kepada perkiraan royalti atau honorarium.

Diterbitkan untuk Kementerian Pendidikan Malaysia oleh:

Dewan Bahasa dan Pustaka,
Jalan Dewan Bahasa,
50460 Kuala Lumpur.
Telefon: 03 - 2147 9000 (8 talian)
Faksimile: 03 - 2147 9643
Laman Web: <http://www.dbp.gov.my>

Reka Letak dan Atur Huruf:
SH Design & Print Sdn. Bhd.

Muka Taip Teks: Roman Sans Serif

Saiz Muka Taip Teks: 14 poin

Dicetak oleh:
Percetakan Nasional Malaysia Berhad,
Jalan Chan Sow Lin,
50554 Kuala Lumpur.



Penerbitan pakej buku teks ini melibatkan kerjasama banyak pihak. Sekalung penghargaan dan terima kasih ditujukan kepada semua pihak yang terlibat.

- Jawatankuasa Penyemakan Naskhah Sedia Kamera, Bahagian Sumber dan Teknologi Pendidikan, Kementerian Pendidikan Malaysia.
- Pegawai-pegawai Bahagian Sumber dan Teknologi Pendidikan dan Bahagian Pembangunan Kurikulum, Kementerian Pendidikan Malaysia.
- Jawatankuasa Peningkatan Mutu, Dewan Bahasa dan Pustaka.
- Panel Pembaca Luar, Dewan Bahasa dan Pustaka.
- Jabatan Pendidikan Negeri Sarawak.
- Sekolah Kebangsaan Balai Ringin, Serian.
- Sekolah Kebangsaan St. Michael, Kota Samarahan.

ISI

PELASAR JAKU PENERANG IKON

v
vi

DUNYA DIRI EMPU

- Unit 1: Pesaka 1 - 8
Unit 2: Nembiak Regas Sekula Pegari 9 - 16

DUNYA ENSERA ENGGAU CHERITA

- Unit 3: Batu Anggung 17 - 24
Unit 4: Neresa Dunya Nengah Cherita 25 - 32

WARIS PESAKA BANSA IBAN

- Unit 5: Ngepan Dikemeran 33 - 40
Pesaka Dijaga

RAMPA MENUA

Unit 6:	Sekula Beresi Nemiak Lati	41 - 48
Unit 7:	Angkunka Pengerai	49 - 56

SAINS ENGGAU TEKNOLOGI

Unit 8:	Inovasyen Mansang Pendiau Lantang	57 - 64
----------------	----------------------------------------------	----------------

KONSUMERISMA ENGGAU PENEMU FINANSIAL

Unit 9:	Dagang Mai Pemansang	65 - 72
Unit 10:	Aram Bedagang	73 - 80

KAUL DALAM KONTEKS GLOBAL

Unit 11:	Pengelandik Mai Pemujur	81 - 88
Unit 12:	Buah Pemagas	89 - 98

PELASAR JAKU

Bup teks tu bemalinka *Dokumen Standard Kurikulum dan Pentaksiran (DSKP) Bahagian Pembangunan Kurikulum (BPK)*, Kementerian Pendidikan Malaysia lalu bekonsepka budaya bansa Iban. Konsep tu ulih nambahka penemu, ngerembaika runding sereta nemu kaul enggau elemen ti amat beguna baka penemu sains enggau teknologi, pengawa dagang, kaul dalam konteks global sereta angkutan nyaga rampa menua. Sistem jaku ti dikena dalam bup teks tu bepelasarka bup Sistem Sepil Jaku Iban Di Sekula ti dikeluarka *Bahagian Pembangunan Kurikulum (BPK)*, Kementerian Pendidikan Malaysia dalam taun 2007.

Bup teks tu mega ngundan tujuh tema ti dibagi ngagai 12 unit. Tetiap unit ngundan Standard Pelajar ti disusun bepun ari Pengelandik Mending enggau Bejaku, Pengelandik Macha, Pengelandik Jalai Jaku, Pengelandik Nulis enggau Pengelandik Bungai Jaku.

Pengelandik PAK-21 ti ngemeranka 4KIN (*Komunikasi, Kolaboratif, Berfikiran Kritis, Kreatif dan Nilai*) dikearapka ulih meransang nemiak mantaika pengelandik bepikir ngena kar segala (*circle map*), kar gelembung (*bubble map*), kar sukung (*brace map*), kar gelembung gandin (*double bubble map*), kar berurun-rurun (*multi-flow map*), kar rurun (*flow map*), kar titi (*bridge map*) enggau kar kayu (*tree map*).

Kelimpah ari nya, bup tu ngemeratka aktiviti ngajar enggau belajar ti meri fokus ngagai nemiak sereta belalauka pelajar PAK-21 baka Mija Segala (*Round Table*), Berunding-Betawing-Bekunsi (*Think-Pair-Share*), Penuduk Angat (*Hot Seat*), Nelusur Leka Main, Bantaika Asil (*Presentation*), Kelulu (*Role Play*), Lawa Galeri (*Gallery Walk*) enggau Tiga Nurun, Siku Ngibun (*Three Stray, One Stay*).

Kepenudi, bup tu mega ngundan Pengelandik Bepikir Tikas Tinggi (PBTT) enggau Elemen Neresa Kurikulum ti disadang ulih ngenegapka pengelandik bepikir nemiak ngelui ari rampa runding sida.

PENERANG IKON



Unit

Ikona lumpur unit.



Lumpur Lambar

Ngayanka lumpur ba bup.



Aram Mending enggau Bejaku

Narak pengelandik mending, meretika pekara ti didinga lalu matih pengelancar bekomunikesyen enggau interaksyen ngena chara ti menyana.



PBT

Tanya ti ulih meransang nemiak bepikir sereta nentuka pemutus runding sida bepelasarka kebuah, penyadi sereta empas pemutus runding.



Aram Macha

Matih pengelancar macha ngena intonasyen ti betul belalauka tanda bacha.



DVD Audio

Madahka pelajar nya bisi disediaka dalam DVD audio.



Aram Nulis

Narak pengelandik nulis bepelasarka penemu enggau peneleba.



PAK-21

Nerangka pelajar nya ngundan Pengelandik PAK-21.



Jalai Jaku

Ngajar pengelandik jalai jaku ti ngundan leman, raban sereta tujuk jaku.



Pengukuh

Aktiviti ti dikena ngukuhka penau, pengulih, pengelandik enggau pengerindu nemiak.



Bungai Jaku

Narak pengelandik leka main, jaku sempama, guna jaku sereta beperindang sambil belajar.



Penyedal

Mantu nerangka sekeda leka jaku tauka pekara ti bisi dalam pengelandik ba teks.



Lumpur Standard Pelajar

Ngayanka fokus pelajar.



Kod QR

Penerang tambah sesebengkah penemu tauka batang pekara.



Aram Mending enggau Bejaku

Dingaka audio.

Kelas Diasi Nembang Pegari



Aktiviti

1. Nerangka pekara ti didinga ari audio ngena Lawa Galeri.
2. Dalam raban terangka guna enggau chara ngaga kereban asal ti bukai.



Latih


Tuliska penguntung ngias kelas ngena kereban asal dalam kar *i-Think*.



Aram Macha

Bacha teks di baruh tu.

Tanggi Ini Bungan



Tanggi tu siti ari kereban ti beguna sereta agi dikemeranka kitai kemaya hari tu. Iya beguna maya hari panas enggau ujan. Diatu iya suah agi dikena ngias bilik sereta nyadika tepa ngagai bala temuai.

Ba menua Batu Anggung, bisi siku indu ti landik sereta beberita begagaka tanggi, iya nya ini Bungan.

“Selamat lemai ini, tanggi tu digaga ari nama?” tanya Sundai lebh ngemataka ini Bungan ti benung ngaga tanggi.


“Tanggi tu digaga ari kerupuk tang suah ga aku ngaga ngena buluh tauka daun biru,” pia ku ini Bungan.

“Au, pia ini. Baru aku nemu, mayuh bansa utai tumbuh tau dikena kitai ngaga tanggi,” ku Sundai.



“Amat uchu. Perengka dikena ngaga mayuh di babas. Asal kitai rajin enda merinsa ngidupka diri. Peda pemanah tanggi aku, uchu,” ku ini Bungan.

“Endang amat, terima kasih ke padah sereta lalau nuan ini,” saut Sundai.



Aktiviti

1. Macha teks ngena intonasyen ti betul.
2. Nembang ngena teknik Penuduk Angat ngeluluka watak dalam teks.



Latih

Rintaika asil pengelandik jari ti bukai lalu terangka chara ngaga iya.



Jalai Jaku

Bacha teks ripot di baruh tu.

Ripot Galeri SK Batu Anggung

Kena bulan Februari 20□□, Gerempung Apai Indai enggau Pengajar SK Batu Anggung bisi numbuhka galeri. Nitihka Gima Anak Nyalu, chairman Gerempung Apai Indai enggau Pengajar, galeri tu digaga ngambika bala nemiak ulih belajar lalu ngingatka perengka ti dikena jeman kelia. Sekeda ari perengka ke bisi dipandang ba galeri nya baka bubu, gagung, terabai, genuk, kisar, lesung, alu, selampai, baju burung, marik empang enggau kain kebat.

Apai indai nemiak enggau bala pengajar lantang ati laban SK Batu Anggung bisi galeri nya. Kepala Pengajar Entawan ngarapka bala nemiak ulih nambahka penemu ngena galeri nya.

Disediaka,

20 Februari 20□□


Sundai

(SUNDAI NELSON)

Sekretari,

Kelab Bahasa Iban,

SK Batu Anggung



Aktiviti

Dalam raban, kelala jaku nama tetap enggau nama rama.

Latih

Tulis jaku nama rama enggau jaku nama tetap ngena kar kayu.



Aram Nulis


Kelala ayat tunggal dalam teks.

Kad Nama Sundai

Kelas Primari 5 Kesuli deka ngaga kad nama beserimbai enggau Program Sekula Siru. Pengajar Jeleni ngasuh bala nemiak ngaga kad nama kediri empu nitihka pengelandik. Tu kad nama digaga Sundai.




Perengka dikena: kutak, kain motif pua kumbu, gunting, gam enggau keretas chura.



Kutak diguntin nitihka tukung terabai. Kutak dibalut ngena kain motif pua kumbu.



Sundai nguntin tukung ati ngena keretas chura. Iya ngelekatka gambar ba tengah-tengah tukung ati. Sundai mega nulis bulan maya iya ada.



Aktiviti

Dalam raban, kelala lalu rintaika ayat tunggal dalam teks.

Latih

Tulis ayat tunggal belalauka grafik.

Hari Pengada Benya

Benya ngelaluka penatai sida sekelas ngagai hari pengada iya. Benya madahka pengaga ati diri ngagai bala bakih ti bisi datai. Baka tu pengawa ngerami hari pengada Benya.



Aktiviti

Tulis ayat tunggal enggau ayat turu belalauka gambar.

Latih

Tulis karang pandak senentang hari pengada nuan empu.



Bungai Jaku

Dingaka audio.

Dindang Andal Ati

- 1 Bekebelik bintang di langit,
Bulan manchar terang pegari,
Batu Anggung ngasuh ati tekait,
Sekula manah narit ati.
- 2 Bungai ngerembai pagi hari,
Burung memunyi richah rami,
Sekula kami mansang pegari,
Galeri pesaka udah nyadi.
- 3 Tajau lama tajau menaga,
Dibeli ari serata dunya,
Pesaka lama mesti dijaga,
Nyadi pengingat kitai belama.
- 4 Kesulai terebai nutu bungai,
Bau rengut nyentuk ke pagi,
Belajar kitai beamai-amai,
Pengidup nyamai senang ati.



Aktiviti

1. Dalam raban, sadaka dindang ngena entak sebut ti betul enggau eksyen ti engkeman.
2. Rintaika jaku ti sebaka enteli ngena chara Berunding-Betawing-Bekunsi.



Latih

Rintaika ajar manah ti bisi dalam dindang.



Pengukuh

Seridi

Giga lalu tulis kereban asil pengelandik jari ti bisi ditemu dalam gambar ba bup latih.



Pengaya

Isi lapang ngena jaku nama di baruh tu.

gelegar

Berain

pinang

asi

mensia

tanah

Aku tu Tubuh aku tinggi gegelai. Aku tumbuh galak ba ... ti ami. Aku ditanam indai ... semak rumah sida. Aku mayuh amat guna. Batang aku tau digagaka Upih aku tau dikena nungkus Asi ti ditungkus bebau rengut sereta lubah bari.

Aku berasai temegah ati laban ulih bebudi ngagai anak



Tisih

A. Tulis lima iti ayat tunggal belalauka gambar di baruh tu.



B. Pilih saut ti engkeman.

1. Ini Bungaran nyauk ngena ...

- A. tajau B. genuk C. periuk D. bisin

2. SK Batu Anggung nyadi sekula ... ba pelilih menua kami.

- A. badas B. beberita C. mentas D. nelap

3. Lini seduai aka iya mansai ba ... Batu Anggung bulih undang bebesai.

- A. parit B. sungai C. tasik D. telaga

4. Ibu Benya landik amat nusuk ... sereta ulih dijual ngagai bala temuai ti bisi ngelawa rumah panjai.

- A. kain B. marik C. ubung D. pua

5. Maya peremisi sekula Sundai suah nulung apai enggau indai iya mantun ba ... sayur ti enda jauh ari rumah sida.

- A. kebun B. umai C. paya D. rimba



Aram Mending enggau Bejaku

Dingaka audio.




Landik Idup

Pengajar Jeleni meri penerang ngagai bala nembiak ti deka enggau *camping* ba Bukit Batu Anggung beserimbai enggau aktiviti Kelab Bahasa Iban.

Selamat pagi bala nembiak. Aku berasai gaga ati laban pengawa ti diperambu kitai ngelama tu deka digaga kena 30 Mac 20□□. Endur ti dipilih kitai iya nya Bukit Batu Anggung. Aktiviti tu diatur dikena meri awak bala nembiak ngelala sereta belajar senentang jelu enggau utai tumbuh ti bisi ba kampung. Pia mega ngambika kita nemu chara ngidupka diri dalam babas. Kelimpah ari nya, kita mega ulih belajar nyumai sereta ngaga pengawa bukai ngena kereban ti bisi dia. Kepenudi, aku minta kita mai kereban ti patut baka gari enggau kasut. Aku ngarapka kita bela rindu sereta mujur ila. Nya aja ari aku. Terima kasih.

Manah amat penerang ari Pengajar Jeleni. Aku ngarapka bala kitai ti bisi peneleba ulih betulung enggau pangan diri lalu ingatka haribulan, maya, endur enggau tuju.

Aktiviti

1. Ngerintaika aktiviti *camping* ngena chara Berunding-Betawing-Bekunsi nitihka peneleba diri lalu bantaika ba mua kelas. 
2. Ba penemu nuan, nama aktiviti Kelab Bahasa Iban ti bukai ba sekula? 
3. Kerandau lalu rintaiika penguntung maya *camping* ti bukai. 





Peneleba Digiga, Pengelandik Dikena



Datai ba Bukit Batu Anggung bala nemiak lalu belabuh **meresi** palan *camping*. Sida dibagi ngagai raban diri empu. Tiap raban bisi tuai kediri.

Pengajar Jeleni enggau Pengajar Galang **magi** perengka dikena sida **mansuh**, **ngelulun** sereta perengka ti dikena **ngidupka** api. Kelimpah ari nya, sida mega diberi seperekas buluh dikena **ngaga gajet** endur ngengkah pinggai mangkuk sereta gari. Bala nemiak chakah amat ngereja pengawa sereta seruran **mantu** pangan ti nadai peneleba.

Nyau ngalih hari, sida pan **berapi** sereta bepandukka lauk. Udah nya, sida makai serumpu nitihka raban.

Bala nemiak gaga amat ati ngereja pengawa begulai enggau pangan diri.



Aktiviti

1. Dalam raban, tentuka tema ti engkeman ngagai isi teks.
2. Terangka reti leka jaku pengawa ti bechura biru.

Latih

Gaga ayat ngena leka jaku pengawa ti bisi dalam teks.



Jalai Jaku

Peratika jaku adjektif.

Malam Pemerindang

Lemai nya mih maya ti dianti-anti bala nemiak. Sida endang udah besedia bekenaka gari nitihka tema ti ditetapka. Benya ngena baju mirah enggau tanchut chelum.

Bala sida gagit ati deka enggau bepekit. Sida mantaika pengelandik diri dalam pekit nusi cherita. Sebedau nya, sida udah belatih bebendar ngambika raban diri ulih menang dalam pekit nya.

Nemiak ti nyulut dalam pekit nusi cherita iya nya Benya. Mata iya nyau gegining, lengan iya mega kekepai lebu nusi cherita. Bala nemiak enggau pengajar nyau tebelenga lebu meda gaya iya becherita. Cherita ti ditusi Benya malam nya endang chukup narit ati bala bakih iya.

Aktiviti

1. Dalam raban, bacha teks lalu rintaika jaku adjektif dalam teks.
2. Ngena teknik Penuduk Angat, rintaika penteba teknik becherita ti ulih narit ati bala orang mayuh.

Latih

Gaga ayat ngena leka jaku adjektif ti bukai kelimpah ari dalam teks.





Aram Nulis

Bacha randau Bungan enggau indai iya.

Pengerindu Maya Begulai

Manah amat gambar bala kita endun. Simpan manah awakka nyadi pengingat.

Pengawa kita nya ukai semina ngerinduka ati tang mega mai penguntung.

Manah mih nya anak ngambika kita bisi peneleba begulai enggau pangan diri.

Au mih indai. Rindu amat kami *camping* sehari nya laban mayuh pengawa ti dikereja kami.

Iya mih indai. Mayuh penguntung sereta peneleba ulih kami maya *camping*.

Pengawa *camping*



... enggau ...



... tang ...



... sereta ...

Aktiviti

1. Dalam raban, rintaika ayat turu dalam teks lalu bantaika asil ba mua kelas.
2. Rintaika leka jaku penyambung ba teks dikena ngaga ayat turu.

Latih

Gaga karang ngena leka jaku penyambung ti diberi belalauka gambar.



Dingaka lagu.

Batu Anggung

Sekula kami Batu Anggung,
Jelai nama tampak rita,
Ari jauh nyau bebendang,
Manah ditimpai mata.

Enti kitai betulung,
Begulai enggau pangan diri,
Pengawa berat nyadi lempung,
Kitai senang ati.

Ngasuh tekait ati di dada,
Meda pemanah rampa menua,
Narit ati temuai datai,
Enda ngira maya.

(Tiun Lagu: *Clementine*)

Bungan enggau Sundai
besaup gawa,
Landik belajar sekula,
Pengawa ditembu menyana,
Ati lantang gaga.

Aktiviti

1. Dalam raban, sadaka lagu ngena entak sebut sereta eksyen ti engkeman.
2. Tembuka genteran lagu di baruh tu bepelasarka tiun lagu di atas.

Begulai manah ati tuchi,
Bisi penemu mesti dibagi,
.....,
.....

Latih

Ngena chara Berunding-Betawing-Bekunsi, terangka ajar manah ti bisi dalam lagu.





Pengukuh

Seridi

Isi lapang ngena leka jaku pengawa ti engkeman belalauka gambar.



1. Ini benung ... asi ngena daun.



2. Indai ... ngena genuk.



3. Ibu benung ... pemansai.



4. Endu landik amat ... marik.

Pengaya

A. Kelala lalu tulis leka jaku adjektif ngena kar segala.



B. Aram Bemain enggau Aku

Bemain Mutar Sengkilung Emperaja



Chara bemain.


1. Semina tiga iku nemiak ba siti raban.
2. Tiap iku nemiak dalam raban begintir mutarka jarum jam.
3. Enti jarum jam nunjukka lumur ti bisi ba roda nya, nemiak lalu ngeluluka diri nitihka watak ti diberi.

Adar watak nitihka lumur.

1. Ngeluluka diri minta duit ari indai ngena jaku ti siru.
2. Adat bebasa lebu bejalai mansa orang tuai.
3. Meri jaku pengelalu lebu enggau bepekit cherita.
4. Nyerita enggau ngelansa cherita ti udah dibacha.

Tisih

- A. Pilih ayat turu ti betul.
1. A. Apai Berain nibarka jala ba sungai.
B. Ini Benya manduk upa pisang.
C. Sundai enggau Bungau landik belajar.
D. Kami sebilik pulai memarin ari Sungai Batu Anggung.
2. A. Maya gawai kami pulai ke menua.
B. Harun bulih lumur satu pekit belagu.
C. Menggan enggau aki iya ngabas bubu lalu bulih ikan keli.
D. Sida Jawai sebilik agi ngembuan tajau lama pesaka aki ini sida kelia.
3. A. Menua Batu Anggung sigi tebilang.
B. Lemai kemari kami ngiga lauk babas.
C. Upa kechala dikena ngulai ikan.
D. Maya pekit main asal raban kami bulih lumur satu lalu nerima perais mata duit.
- B. Kelala jaku adjektif dalam pitak lalu tulis ayat dalam bup latih.





Aram Mending enggau Bejaku

Dingaka audio.

Kampung Batu Anggung

- 1 Nama bansa utai tumbuh ti ulih diempa?
- 2 Nama kebuah kitai mesti nyaga rampa menua?
- 3 Nama kebuah bala jelu deka diau ba kampung Batu Anggung?
- 4 Enti nuan nemuai ke Batu Anggung, nama pekara ti deka dipansik nuan?

Aktiviti

Dalam raban, saut tanya belalauka audio.

Latih

Ba penemu nuan, baka ni chara nyaga rampa menua?





Aram Mending enggau Bejaku



Dingaka audio.

Pengajar Jeleni ngasuh nemiak mendingka penerang ari Tuai Rumah Nata senentang pemanah rampa menua kampung Batu Anggung.



Aktiviti

1. Mendingka audio enggau lenak ngambika ulih naps sereta nusun penerang.
2. Ngeluluka diri ngelaluka penatai orang belalauka rurun teks.




Chuik Seduai Empitu

Benya mendingka mayuh cherita ti ditusi aki iya. Baka tu ku munji cherita.

Dulu kelia, Chuik enggau Empitu begulai manah enggau pangan diri. Indai Empitu bagas ngiga pemakai.

Semak endur nya, bisi indai Chuik enggau bala anak iya. Indai Chuik enda tentu deka gawa. Nyadi, hari siti tinggal indai Empitu ngiga pemakai, dia indai Chuik lalu ngambi pemakai anak Empitu. Anak Empitu lalu nyabak enggai badu-badu.

Lebuh indai Empitu pulai ari umai, dia iya tekenyit ninga bala anak nyabak. Iya lalu betemu enggau indai Chuik. Iya ngelalau indai Chuik anang ngereja pengawa ti enda manah. Indai Chuik lalu nesalka penyalah diri.



Aktiviti

1. Macha teks cherita ngena intonasyen ti betul.
2. Nerangka isi cherita sereta tuju teks ngena chara Berunding-Betawing-Bekunsi.

Latih

Tulis ajar manah ngena kar gelembung.






Enda Rugi Bagas Gawa




Eee ... anang ngambi pemakai bala kami ibu Chuik. Kasih mih ke kami.


Ni ku aku mih. Enda aku pedulika kita ti nyabak nya. Lagi indai kita mai pemakai baru.




Anang nuan baka nya Chuik. Kati ke nuan enda sinu meda anak aku. Manah agi nuan ngiga pemakai baka aku.



Nya kebuah kitai mesti regas gawa.



Baka ni aku deka ngiga pemakai. Endur ngiga pemakai nyau ampuh bah.



Minta ampun aku indai Empitu. Udah tu, enggai aku ngelusu agi.



Aktiviti

1. Keluluka randau teks ngena intonasyen ti betul.
2. Kelala lalu rintaika jaku pengawa dalam teks ngena chara Mija Segala.

Latih

Tulis ayat ngena jaku pengawa di baruh tu.

a. nyapi b. ngibun c. merindang
d. ngajar e. nagang



Aram Nulis

Rumah Batu Apai Saloi

Pagi nya, Pengajar Jeleni mai sida sekelas mendingka siti cherita.

Apai Saloi engggau Apai Seumang-umang begagaka rumah. Rumah Apai Saloi rumah batu tang rumah apai Seumang-umang rumah buluh laban semua perengka digaga ari buluh.


Hari siti Apai Saloi nemuai ngagai Apai Seumang-umang. Benung seduai berandau, ribut bepuput enggau naka peneras lalu ngujungka rumah nyau beguyat. Balat agi ribut bepuput, inggar agi ga munyi dinding buluh.

“Manah amai munyi kesuling rumah nuan unggal. Manah tua besilih rumah,” ku Apai Saloi.

“Anang unggal. Rumah aku rumah buluh tang rumah nuan rumah batu, tegap sereta enda mudah rebah,” ku Apai Seumang-umang.

Apai Saloi enda peduli. Lemai siti seduai lalu besilih rumah. Lemai nya ribut udu deras bepuput lalu ngujungka rumah Apai Saloi tebererak sereta atap pan abis tekebu.

Sinu mih Apai Seumang-umang meda Apai Saloi. Iya lalu mai Apai Saloi diau enggau iya.



Aktiviti

Ngiring nemiak ngelala ayat kompleks dalam teks.

Latih

Tulis ayat kompleks ngena chara ti betul lalu bantaika ba mua kelas.



Penyedal

Ayat Kompleks:

Ayat ti ngundan lebih ari siti bansa ayat, dipenyadi ari bejantilka ayat tunggal enggau ayat turu.



Bungai Jaku

Dingaka audio.

Dit Dinai

1 Dit dinai, menidit dinai,
Naka mih pengandal ati,
Nyadi nemiak chukup mereti,
Nemu bebasaka orang tuai,
Dit dinai, menidit dinai.

2 Dit dinai, menidit dinai,
Belajar mesti beamai-amai,
Runding anang limpang ke bukai,
Bulih penemu idup nyamai,
Dit dinai, menidit dinai.

3 Dit dinai, menidit dinai,
Menua maju mayuh penemu,
Nemu ngena teknologi baru,
Awakka kitai mansang selalu,
Dit dinai, menidit dinai.

4 Dit dinai, menidit dinai,
Kembuan mayuh cherita lama,
Ngambi bisi ditela dipeda,
Rebak dudi jemah ila,
Dit dinai, menidit dinai.

Aktiviti

1. Dalam raban, sadaka teks dit dinai ngena entak sebut ti betul enggau eksyen ti nemban.
2. Terangka reti genteran leka main.
3. Kelala lalu rintaika ajar manah ti bisi dalam teks.

Latih

Tulis ayat ngena leka jaku adjektif ti bukai kelimpah ari ba teks.



Pengukuh

Seridi

Tulis ayat ngena jaku pengawa belalauka gambar.



nemui



labuh



terejun



murus

Pengaya

Gaga lima ayat kompleks ngena chara ti betul.

1. _____

2. _____

3. _____

4. _____


5. _____

Tisih


A. Tembuka ayat ngambika nyadi ayat kompleks ti betul.

1. Aku enggau ini ngabas umai lalu ...
2. Indai Racha deka makai sentapat tang ...
3. Ini Bungan landik begagaka asil pengelandik jari ngambika ...
4. Maya ngintu Hari Gawai, mayuh orang pulai ke rumah panjai laban ...
5. Mena Batu Anggung beberita ba pelilih menua kami, nya kebuah ...


B. Tulis siti cherita belalauka gambar.




siku rusa - sumbung - ngiga



tekenyit - tanduk - tekait



pelanduk nulung - matahka akar



rusa - nesal ati - enda sumbung



NERESA DUNYA NENGAH CHERITA



Aram Mending enggau Bejaku

Dingaka audio.

Pemandang Bup Besarimbai enggau Program Karnival Bahasa

Pemandang Bup Besarimbai enggau
PROGRAM KARNIVAL BAHASA

Tempat:
Balai Sekula
SK Batu Anggung

Maya:
20 APRIL 20□□

Jam:
8:30 pagi

Tuju:

- meri peransang macha mayuh bansa bup cherita
- milih bup dikena sanding penemu maya peresa UPSR
- sanding penemu dikena ngaga karang tauka cherita

Koleksyen Terbita Jalu
Burung Tang enggau Munsang
Koleksyen Ensero Agai Salmi
Chunio Koleksyen Karang Pandak

Aktiviti

1. Kerandauka brosur senentang pemandang bup ti deka digaga ba sekula.
2. Ngena chara beraban, pansutka penemu nyukung tauka enda pemandang bup ti deka digaga ba sekula.

Latih

Gaga kar gelembung dikena madahka pengelebihi ari macha bup.





Atau Kera

Tu tibak randau ari bup cherita ti dibeli Letchumi.

Penyerita: Kenu ku cherita ari menua Afrika Timur, Kera enggau Ikan Yu begulai manah enggau pangan diri. Hari siti, Ikan Yu deka mai Kera mindah lalu ngiga pemakai ba endur bukai.

Ikan Yu: Unggal, aku berterima kasih ngagai nuan laban selalu meri aku buah. Aku deka mai nuan raun ke menua kami.

Penyerita: Keterubah iya, Kera enggai dibai laban takut ke ai. Tambah mega iya enda nemu nyemerai. Nyau kelama-lama nya baru Kera setuju.

Kera: Au, enti munyi nya deka mih aku enggau. Aku deka meda menua kita.

Penyerita: Lebu seduai nyemerai, dia dih Ikan Yu madahka siku kaban iya raya amat sakit. Kenu ku Ikan Yu, kaban iya ulih gerai enti makai atau Kera. Ninga munyi nya Kera nesal amat ati laban nitihka Ikan Yu. Iya lalu madahka atau iya tinggal ba puchuk kayu.

(Dibali ari *Mimpi Penjaja*, Nazel Hashim Mohamad, Dewan Bahasa dan Pustaka, 2003)

Aktiviti

1. Nemiak macha sereta meretika teks.
2. Ngeluluka watak nitihka teks.

Latih

Tulis baru isi teks ngena kar rurun.





Jalai Jaku

Bacha teks di baruh tu.

Tiung Ti Mentas

O, nuan nya unggal Munsang! Nama nuan bejalai beguai-guai dipeda aku?

Pia nih, unggal. Patut aku suah meda nuan begigaka pemakai sebelah kampung jerung kami ditu.

Nya mih. Besampi mih kitai ngajihka kampung kitai tu enda diperimba ngapa. Pemakai pan senang digiga.

Au, unggal. Aku nerima penatai kita enggau ati gaga.

Au, aku mih tu. Kati ku enda begaut dih, jauh menua aku unggal.

Nya mih, unggal. Kampung kami din udu diperimba anak mensia. Sida betebangka kayu peneka ati. Untung amat kita di menua tu, anak mensia agi siru ngintu kampung.

Udah tu ila, pindah belubah-lubah kami menyanak ke menua kita kitu.

Terima kasih, unggal.

Aktiviti

1. Keluluka watak dalam teks.
2. Ngelala jaku adverb dalam teks.

Latih

Tulis tiga iti ayat ngena jaku adverb ti bukai.



Penyedal

Jaku Adverb:

Leka jaku ti nyeritaka jaku pengawa, jaku adjektif lalu iya mega tau nyadi jaku penerang.



5.1.1 (iv)

27

KPM


Audio 12



Aram Nulis

Peratika gambar di baruh tu.

Rimau Seduai Tuntung



Aktiviti

Ngena chara Berunding-Betawing-Bekunsi nentuka pun, isi enggau ujung karang.

Latih

1. Tulis perambu tauka langgur karang ngena kar sukung.
2. Tulis karang belalauka langgur ti udah digaga.



Bungai Jaku

Dingaka audio.



Lalau Pendiou

Wa indung,
Regas belajar dani tumu,
Runding anang temati kutu,
Pendiou menyana pengidup menuku,
Anang baka apung balu,
Rarat ke ili rarat ke ulu.

Wa indung,
Lemai ngaga kereja rumah,
Enda sesegau mayuh ulah,
Pengawa digaga enggau manah,
Anang baka kepayang
ngadaka dilah.

Wa indung,
Begulai manah enggau
pangan diri,
Mulut dijaga ati beresi,
Anang ngembuan ati hari,
Pagi manah lemali beballi.

Aktiviti

1. Dalam raban, sadaka teks ngena entak sebut ti betul.
2. Terangka reti jaku sempama enggau jaku kelaung ba mua kelas ngena kereban Teknologi Pemudah enggau Komunikesyen (TPK).

Latih

Tulis jaku sempama ti bukai lalu gaga ayat.





Pengukuh

Seridi

Isi lapang ngena jaku adverb.

**WUNG
BATU
ANGGUNG**

JAGA PEMERESI

ngalih hari

ai chiru

chukup
pemakai

mupuk
belubah

ngetu
merarau

tusun
barang

Maya ujung minggu sida Bungan sebilik memarin ba Wung Batu Anggung.

“Endun, tulung ... dalam kerita,” ku apai Bungan.

“Udah disimpan kami duai indai, apai,” pia ku Bungan.

Sida pan lalu ... Datai ba wung, sida rindu meda ... sereta gerugu batu nyau bedijir ba tebing. Apai Bungan ngajar bala anak iya nyemerai. Udah puas mandi, sida ...

“Kenyang perut makai lauk dipanduk indai,” pia ku adi Bungan.

Besampi ngagai Petara anak laban kitai ...,” pia ku indai Bungan.

Kira nyau ... , sida sebilik pan mulaika diri. Sida andal ati laban ulih ngisi maya lepa enggau diri sebilik.

Pengaya

A. Isi lapang ngena leka jaku sempama ti betul.

baka kepayang ngadaka dilah

makai pala bangah

mang ari kepayang rendam sepagi

baka apung balu

betunggang lupung

baka ukui ke labuh anak

1. Maya belajar dalam kelas anang tak kasak-kasak. Anang ✎.
2. Benya tu endang nemiak ti ✎ nya kebuah opis pelajar menua Sarawak milih iya nyadi pengari pekit becherita anak mit di Kuala Lumpur.
3. Kitai mesti belajar enggau bebendar enggaika pengidup kitai enda menuku disemaka orang ✎.
4. Kitai serumah ba Batu Anggung patut begempung enggau pangan diri. Anang ✎ semina nemu bejaku tang enda nemu ngereja.

B. Tulis cherita belalauka gambar di baruh tu.



Tisih

Isi lapang ngena jaku kelaung ti engkeman.

1. Apai Benya udah ... (tuai uban, tuai bulu, tuai isi), nya kebuah iya dipaduka sida serumah betemu enggau Kepala Menteri.
2. Baru ga ... (setaun padi, setaun jagung, seleka mukut) sida sebilik udah ngentapka diri diau ba menua kami ba Batu Anggung ditu.
3. Aka Benya ... (sapu menalan, niti daun, temu baga) siku pan nadai mih orang ulih ngalahka iya maya enggau orang bepekit kumang gawai taun tu kemari.
4. Kami serumah nadai tentu pechayaka aki Ugap laban iya ... (mayuh lauk, mayuh kuah, mayuh asi) nusi jerita ti enda amat.
5. Kitai anang enda bekelimat enggau belanja, anang ... (bubus tapa, bubus jari, bubu pala) baka igat Jelapa bedau datai seminggu lalu abis duit nadai temu tuju.
6. Aya Bungan ... (dulu ngetup chabi, dulu ngetup tunjuk, dulu ngetup garam) nya kebuah iya mayuh ngembuan penemu sereta runding ti pintar agi ari kitai.
7. Maya belajar dalam kelas kitai enda tau ... (mabu runding, mabu ai, mabu sungai) enggaika kitai enda ulih nyaut tanya dalam peresa ila.




Aram Mending enggau Bejaku

Dingaka audio.

Nyulam Selampai

Benya mai bakih iya Letchumi enggau Sundai pulai ke rumah panjai. Rumah panjai Benya enda jauh ari sekula sida iya. Kira-kira 10 minit bejalai kaki, sida tiga udah datai di rumah panjai.



Aktiviti

1. Nembiah betanya saut enggau pengajar senentang audio ti udah didinga.
2. Dalam raban, kerandauka rurun cherita ti udah didinga. Uдах nya, tusi baru ngagai pangan nuan.



Aram Macha

Bacha teks di baruh tu.

Asil Pengelandik Jari

Benya nyeritaka penemuai raban ari Opis Dagang Temuai ngagai rumah panjai sida bedau lama ke udah.

Minggu nyin kemari, Rumah Panjai Batu Anggung ti udah tebilang enggau asil pengelandik jari bisi ngatur Hari Pemandang Asil Pengelandik Jari. Pagi nya, pemesai ari Opis Dagang Temuai, Tuan Berandah bisi datai ngulu pengerami nya.




Bala temuai bejalai niti ruai meda asil pengelandik jari ti dibantaika. Enda lebu sida ke indu di rumah panjai nya landik di chunggai tunjuk jari. Sida chukup rindu lalu muji perayat rumah panjai nya ketegal ti nemu ngambi peluang nyungkak penatai pemisi.

Diatu temuai datai enda belepa hari. Sebedau mulaika diri Tuan Berandah besemaya deka ngaga dokumentari asil pengelandik jari Rumah Panjai Batu Anggung awakka ulih narit mayuh agi bala temuai antarabansa datai kia.

Aktiviti

Betanya saut dikena nentuka latar bepelasarka teks.

Latih

1. Dalam raban, liska latar ti bisi dalam teks lalu bantaika asil ngena Lawa Galeri. 
2. Nembiak diberi tibak teks ti bukai lalu dipinta nentuka isi teks ari sukut latar.





Jalai Jaku

Keluluka randau di baruh tu.

Puji Peransang

Menyadi Tuai Rumah Nata, Menggan ke gawa di Kuala Lumpur berandau enggau Tuai Rumah Nata seduai indai Benya nengah *video call*.

Hello menyadi. Nama berita? Tabi puji ngagai kitai serumah laban udah mujur ngatur pengawa Pemandang Asil Pengelandik Jari tu tadi.

Arapka asil pengelandik jari kitai ulih dikerembaika agi ngagai menua tasik. Meri pengaga ati ngagai nuan mega ika.

Au, naka tu dulu randau kitai tiga. Gaga amat ninga pemujur ti udah digaga kitai ba Batu Anggung dia.

Terima kasih, adi. Arapka asil pengelandik jari bansa kitai ulih narit ati temuai datai lalu ulih nyungkakka penatai pemisi bansa kitai.

Terima kasih. Manah berita kami ditu. Aku pan chukup lantang sereta temegah ati laban Opis Dagang Temuai deka ngatur siti program ti besai begulai enggau kami.

Au. Betemu ila menyadi.


Aktiviti

Peratika leka jaku ke bisi penambah lalu ngaga aktiviti ngena chara Berunding-Betawing-Bekunsi.



Latih

1. Tempa leka jaku ngena penambah pun enggau ujung.
2. Dalam raban, gaga ayat ngena jaku penambah.



Tangu Sida Benya

Beserimbai enggau Minggu Pemandang Asil Pengelandik Jari renggat sekula, Benya enggau bala bakih iya sama-sama nembuka asil pengelandik jari sida. Asil pengelandik jari nya deka dipandangka ba minggu dudi.



Aktiviti

Perambu isi karang licha bekaul enggau proses ngaga tangu.

Latih

Belalauka langkar karang nya, tulis siti karang nitihka rurun ti engkeman.





Bungai Jaku

Ganu

Aih... ni nuan indai ambu,
Naka mih pengerindu,
Kami di Batu Anggung ditu,
Asil jari mai pemaju,
Enda mantul ngiga pemandai,
Dih indai menyawai.

Aih... ni nuan apai tinda,
Naka mih pengaga,
Meda selampai indai Benya,
Dibantai ba mua pemberita,
Narit ati temuai,
Dih apai menyawai.

Aih... ni nuan apai Chaung,
Ke diau di Batu Anggung,
Bendar gawa betunggang lupung,
Kering semangat ngiga penguntung,
Di rumah panjai,
Dih apai menyawai.



Aktiviti

1. Dingaka audio lalu sadaka ganu dalam raban.
2. Kelala enteli ti bisi dalam ganu.

Latih

Tulis ajar manah sereta jaku silup ti dikena dalam ganu di atas.



Pengukuh

Seridi


Pilih lalu tulis leka jaku ti ngundan penambah pun enggau ujung nitihka kategori penambah ti sama.



Pengaya

Tembuka jaku berasuk ngena jaku penambah bepelasarka ayat di baruh.

1. Benya ... bakih iya pulai ke rumah panjai.
2. Selampai indai Benya ... ba atas mija.
3. Pemandang asil pengelandik jari ... sida serumah.
4. Menggan ... berita sida ba dalam radio.
5. Tuai rumah ... temegah ati.
6. Sida Sundai ... nemuai ngagai rumah panjai Benya.
7. Tuan Berandah chukup ... Tuai Rumah Nata.
8. Sida serumah ... magang lebu ngereja pengawa.



Tisih

A.

Dinding Selampai

Anak indai kumang menua,
Bekenaka selampai manah dipeda,
Ibun enggau manah reta pesaka,
Nembiak rebak baru deka ngelala.



Kain belachu burak pegari,
Dikena manang belian pagi,
Aram kitai sama seati,
Negika bansa ngenanka identiti.

Nyulam selampai indai Menti,
Selampai mirah chukup manah,
Nyaga pesaka nyaga identiti,
Ngambika kitai tau temegah.



1. Giga lima leka jaku bepenambah dalam teks dinding di atas.

- a. _____
- b. _____
- c. _____
- d. _____
- e. _____

2. Giga lapan leka jaku ti besenimbal enteli.

- a. _____
- b. _____
- c. _____
- d. _____
- e. _____
- f. _____
- g. _____
- h. _____

3. Tulis tiga ajar manah ari teks dinding.

- a. _____
- b. _____
- c. _____


B. Saut ngena leka jaku bepenambah ti engkeman.

1. Indai pulai ari pasar lalu ... lauk di dapur.
A. bela B. bebelaka C. dibela D. memelaka

2. Letchumi enggau Sundai ... chara nyulam selampai ba indai Benya.
A. ditanyaka B. diajarka C. ngajarka D. nanyaka


3. Sida serumah begau laban ... siku ular kendawang bebelit ba tiang tanju.
A. dipedaka B. dipeda C. tepedaka D. memeda

C. Pilih leka jaku ti besenimbal enteli dikena nembuka genteran dindang di baruh tu.

1. 
Ati indai chukup gaga,
Gaga meda anak menyana,
_____,
Ngambika tau dipeda dunya.

- A. Pesaka bansa patut dijaga
- B. Pesaka bansa lanting bansa
- C. Pesaka bansa patut dikemeran
- D. Pesaka bansa ngasuh temegah

2. Tembuka dindang ngena leka jaku diri empu.


_____,
_____,
Aram kitai sama angkat,
Nitihka singkang bansa bukai.



Aram Mending enggau Bejaku

Dingaka audio.



Aktiviti

Nembiak ningaka audio lalu betanya saut enggau pangan diri ngena chara Penuduk Angat.





Kena Mih Aku enggau Manah

Tung Chelum duduk dedugau ba tisi parit. Mua iya berupai amat sinu. Ai mata iya naya labuh bekeberai. Enda lama udah nya, dia dih datai bakih iya Tung Gadung lalu nyapa.

“Lapa nuan nyabak, unggal? Nama utai ti dikesinuka nuan dih? Nama kebuah tubuh nuan tau kamah baka tu? Sinu amat aku meda nuan diengkah orang jauh ditu, unggal”.



“Peda nuan tubuh aku tu, unggal. Suba aku beresi sereta dijaga enggau manah. Tanggi aku selalu dikena. Lalat pan enggai semak aku. Diatu, tubuh aku chukup kamah sereta bebau. Anak mensia mampul idung lebuh mansa aku. Aku chukup malu. Uras dibuai sebarang alai ba sepiak tubuh aku. Tanggi aku mega nadai temu dini endur agi. Lalat majak nutu. Chit enggau gerinang majak mayuh datai semak aku. Aku empu enda tan nyium bau tubuh aku. Enti pendiau aku majak kamah, lalat, gerinang enggau chit majak mayuh datai lalu ulih mai igi penyakit ngagai anak mensia. Utai tu balat ngasuh ati aku irau,” pia ku Tung Chelum sebana.



“Sinu amat aku ninga sebana nuan, unggal. Badu agi nuan nyabak. Angkat mih nuan. Lagi aku nulung ngiga tanggi nuan lalu meresika endur nuan diau,” pia ku Tung Gadung ngaum bakih iya.

Tung Chelum lalu angkat sereta badu agi nyabak. Iya pan lalu mandi meresi tubuh diri. Tung Gadung ngiga tanggi bakih iya lalu ngumpul uras ke bisi dia.

Tubuh Tung Chelum nyau beresi sereta enda bebau agi. Lalat mega nadai datai nutu. Iya pulai sigat baru baka selama. Ati iya chukup gaga lalu iya beterima kasih ngagai Tung Gadung. Tung Gadung lalu ngelekatka tanda ba tubuh Tung Chelum ngena leka jaku “Kena Mih Aku enggau Manah”.



Aktiviti

Bacha lalu tentuka penanggung ari teks.

Latih

1. Bejuraika penanggung ti nyadi enti pemeresi kandang menua enda dijaga.
2. Ba runding nuan, nama kebuah kitai patut ngemeranka pemeresi kandang menua?





Sekula Beresi Ati Lantang

Harun enggau bala bakih iya berandauka penteba sekula ti beresi. Asil randau nya deka dibantaika ba mua kelas.



Aktiviti

1. Peratika ayat ti ditulis bala nemiak dalam gambar di atas.
2. Bagi ayat nitihka chunto ba penyedal.

Latih


Tulis ayat nitihka atur jaku ti betul lalu bantaika asil nengah Lawa Galeri.



Penyedal

Dalam atur jalai jaku, ayat tu duduk ba tingkat pemadu tinggi. Uдах nya, ditangan enggau rambai jaku. Leka jaku nya tingkat ti pemadu baruh baka ke dipandang dalam langkar tu.

Ayat	Sekula nya beresi.		
Rambai jaku	Sekula nya	beresi	
Leka jaku	sekula	nya	beresi



Ripot Kelab 3K SK Batu Anggung

Harun nyadi sekretari Kelab 3K SK Batu Anggung. Iya dipinta nyediaka siti ripot senentang pengawa ngerupan ti udah digaga kelab nya.

Topik: _____

- Nama utai ke nyadi: _____
- Kemaya: _____
- Dini: _____
- Sapa ti ngulu: _____

Genteran ke-2: Tuju kelab: _____

- _____
- _____

Genteran ke-3: Sebedau pengawa nyadi.

- _____

Genteran ke-4: Maya pengawa benung nyadi.

- _____

Genteran ke-5: Pekara ti udah nyadi.

- _____

Genteran ke-6: Nutup ripot (Pengasai ati, ajar manah, pengarap)

Orang ke ngaga ripot, 18 Ogos 20□□



Dalam raban, kerandauka isi ripot.



Belalauka langkar karang nya, tulis siti ripot nitihka format ti betul.



Bungai Jaku

Dingaka audio.



Pelandai Anak Sekula

Nembiak sekula SK Batu Anggung,
Sigi disampika kami,
Nuan tinggi ari lenggi benda panding,
Nuan nyulut ari sekukut dilah juing,
Luba ari seleka pinang muring,
Baka pisang denjang tambak,
Baka subung lulung anak,
Baka tubai bandung rarak,
Ngebung baka langit,
Empusung baka kerangan menua ulu,
Beberita baka menua sida penghulu,
Gayu guru nuan menua,
Gerai nyamai selama iya.

Aktiviti

Sadaka leka main ngena intonasyen ti betul.

Latih

Dalam raban, giga lalu padahka reti jaku karung dalam leka main.



Pengukuh

Seridi

Bacha teks di baruh lalu bagi ayat ngagai rambai jaku enggau leka jaku. Tulis saut dalam bup latih.

Kimpin nyaga pemeresi sekula patut dipejalaika. Kimpin tu ulih meri pemereti ati ngagai bala nemiak. Nengah kimpin tu nemiak nemu tanggung pengawa diri empu. Sekula ti beresi nyereminka disiplin bala nemiak. Sekula beresi ati pan lantang.

Pengaya

Gaga siti brosur senentang kimpin chara nyaga pemeresi sekula nitihka format ti diberi.

NAMA KIMPIN: _____

DITUJU NGAGAI: _____

OBJEKTIF: _____

SADANG AKTIVITI:

1. _____
2. _____
3. _____

PERENGKA TI DIKENA:

1. _____
2. _____
3. _____
4. _____

Tisih

Bacha lalu peratika enggau manah gerim Program Minggu Sekula Beresi SK Batu Anggung di baruh tu. Tulis siti karang ti menyana bepelasarka penerang ti diberi ngena format ti betul.

PROGRAM MINGGU SEKULA BERESI

SK BATU ANGGUNG

Program	Endur	Jam
Pekit becherita	Balai sekula	8:30 pagi – 10:00 pagi
Pekit nyura poster	Librari sekula	10:00 pagi – 11:30 pagi
Pekit nyadaka dindang	Balai sekula	10:00 pagi – 12:00 tengah hari

Orang ti ngulu pekit tu patut:

- datai sepuluh minit tumu.
- rejista nama diri empu.
- nitihka atur pekit ti udah ditetapkan.

Gerim tu nerangka program ti deka diatur beserimbai enggau Minggu Sekula Beresi SK Batu Anggung.



UNIT
7

ANGKUNKA PENGERRAI



Aram Mending enggau Bejaku

Bejaga, Pengere kai Penyakit!

VIRUS COVID-19 ULIH NGEREKAI NENGAH ANGIN LALU ULIH NGERAMPIT SEBARANG ORANG

KUCHING: Rayat patut nemu virus COVID-19 ulih berampit nengah angin sereta ulih ngerampit sebarang orang.

Nya alai, kita patut nyeliahka diri ari ngelawa endur ke sekut, ngemeranka seraka fizikal, ngena sengkabung idung enggau mulut, selalu nuchi jari sereta nitihka atur prosedur operasyon standard (SOP) lebu pansut ari rumah.

Orang ti mai penyakit Covid-19 tu nadai tanda ti ulih dipeda. Nya kebuah pengawa nyaga pemerasi enggau pengerrai diri enda tau diengkah nyadi pekara lumur dua.

(Dibali ari *Utusan Borneo*, 20 Julai 2020)

Aktiviti

Dalam raban, kerandauka kebuah enggau empas pekara dalam surat kabar ti diberi. Uдах nya, bantaika asil randau ba mua kelas.

1.2.8
1.7.3

49

KPM



Bacha teks di baruh tu.

Ripot Penemuai ari Opis Pengerai

Kena 16 April, Sekolah Kebangsaan Batu Anggung bisi dilawa orang ari Opis Pengerai. Penyampau bala sida ti datai maya nya bisi enam iku, iya nya siku doktor enggau lima iku indu misi. Tuju penemuai iya nya deka meri penerang senentang chara nyaga pengerai enggau pemeresi diri ti betul ngagai raban sekula.

Pukul 9:00 pagi...



- ninga penerang ari doktor bekaul enggau chara nyaga pengerai sereta pemeresi diri
- chara masu jari sereta ngena sengkabung idung enggau mulut ti betul
- begambar pengingat

Program penemuai ari Opis Pengerai nya tembu pukul 11:00 pagi. Asil ari penemuai nya mayuh meri informasyen ti beguna ngagai raban sekula.

Disediaka,
Han Yin
(Han Yin)
Sekretari,
Kelab Pengerai,
SK Batu Anggung

18 April 20

Aktiviti

Bacha ripot di atas lalu tentuka isi teks ari rurun cherita.



Dingaka audio.



Guna Hand Sanitizer

Doktor Hanson bisi datai ngagai SK Batu Anggung beserimbai enggau Minggu Nyaga Pemeresi Diri. Iya nerangka guna *hand sanitizer* ngagai bala nemiak.



Aktiviti

Dalam raban, kelala ayat tunggal enggau ayat turu bepelasarka audio.

Latih

Gaga ayat tunggal enggau ayat turu senentang produk di atas.



Nyeliah Manah Agi ari Ngubat

KUCHING: Enam kes positif baru COVID-19 diripotka ba pelilih menua Kuching kemari ti nyadika penyampau kes positif di Sarawak iya nya 607 kes naka ke diatu.

SEKRETARIAT KOMITI MUTARKA PENUSAH NGENYIT NENGERI SARAWAK		STATISTIK PEMADU BARU COVID-19 19 JULAI 2020		18 BEBADI NYAWA	554 KES GERAI DIKEMENDARKA PANSUT ARI SEPITAL		
6 KES POSITIF	607 PENYAMPAU KES POSITIF	19 KES (PUI) BARU DIRIPOT	8.780 PENYAMPAU KES (PUI)	8.168 KES (PUI) NEGATIF	5 KES (PUI) NGANTI PEMUTUS		
PELILIH MENUA	POSITIF	RIKOT KE DIATU	SGH KUCHING	SEPITAL SIBU	SEPITAL BINTULU	SEPITAL MIRI	PENYAMPAU
Kuching	372	Kes benung diperubat di sepital	29	1	5	0	35
Samarahan	114	Penyampau kes bebadi nyawa	16	0	0	2	18
Serian	24	Kes ti udah gerai lalu dikemendarka pansut ari sepital	469	32	22	31	554
Penyampau ti masuk sereta diperubatkan baru di sepital			9	8	2	0	18

PUI - *Person Under Investigation*
Kes positif: Statistik pemadu baru kes COVID-19 di Sarawak naka 19 Julai 2020.

(Dibali ari *Utusan Borneo*, 20 Julai 2020)

Aktiviti

Bacha informasyon ti diberi.

Latih

Dalam raban, tulis siti karang akademik ti menyana nitihka format ti betul belalauka informasyon ti diberi.



Bungai Jaku

Dingka audio.



Pengerai Berega
ari Semua



Sani: Apu, laku amat nuan diatu Mas! Tusah anak mensia deka ngiga nuan ba pasar. Semua endur udah abis magang.

Mas: Au. Nuan pan sama mih Sani. Nyau deka abis nuan dijual ba pasar. Chukup beguna mih tua diatu.

Sani: Ukai ke enda. Aku ulih munuh virus sereta mayuh macham igi penyakit ti tau berampit.

Mas: Aku pan pia mega. Aku dikena lebuah anak mensia renga ngambika virus enda ngerampit orang bukai.

Sani: Anak mensia patut ngemeranka pemeresi. Jari sida mesti suah dibasu laban ari jari mih virus ulih ngerekai.

Mas: Amat munyi ku nuan nya Sani. Anak mensia mega patut ngena sengkabung idung enggau mulut enti pansut ari rumah dikena nyeliahka diri ari rampit virus.

Sani: Arapka tua sama ulih nulung anak mensia ngambika sida enda dirampit igi penyakit.

Aktiviti

1. Keluluka dialog di atas.
2. Berandauka ajar manah ti bisi dalam dialog lalu liska.

Latih

Ba runding nuan, nama chara ke bukai ti ulih dikena kitai nyaga pengerai?





Aram Nyaga Pengerai

Aram kitai nyaga pengerai,
Pendiau lantang idup nyamai,
Penyakit berampit majak ngerekai,
Duduk di rumah anang bejalai.

Atur perintah patut didinga,
Ngambika sama bela likun,
Nyaga diri nyaga semua,
Pengerai diri patut diibun.

Masu jari ngena sabun,
Hand sanitizer tau dikena,

Sengkabung mulut enggau idung,
Kena lebu begulai bala mayuh,



Aktiviti

1. Tembuka dinding.
2. Sadaka dinding ngena entak sebut ti betul.

Latih

1. Sapa ti patut nyaga pengerai?
2. Nama penyadi enti penyakit berampit majak ngerekai?
3. Kemaya sengkabung idung enggau mulut patut dikena?
4. Ba penemu nuan, nama empas enti atur perintah enda dititih?





Pengukuh

Seridi

Tusun leka jaku nyadi ayat tunggal ti betul.

a) dijaga diri patut pemeresi

b) minggu sekula dua ditutup

c) berampit jampat penyakit ngerekai

d) bulih betul radio informasyon kitai ti ari

Pengaya

Tembu lalu sadaka leka main di baruh tu.

Tubuh gerai ati senang,
Perayat idup begulai lantang,



Jaku gerah patut didinga,
Dikena nyeliah ari penusah,

Sama kitai nyaga pengerai,
Ngambika penyakit enda ngerekai.

Aram kitai sama bejaga,
Awakka idup gerai belama.

Tisih

A. Tulis lima ayat tunggal bepelasarka gambar di baruh tu.



1.

2.

3.

4.

5.

B. Tukar ayat tunggal di baruh tu nyadi ayat turu ti engkeman.

1. Harun rindu macha bup cherita.

Letchumi rindu macha bup Jaku Iban.

2. Sundai belagu ngena sura nyawa ti lunak.

Sundai bejugit enggau ati ti gaga.

3. Semua kelas nganjung dua iku pengari ba pekit ngaga poster.

Kelas Taun 5 Lati nadai nganjung pengari ba pekit ngaga poster.



Aram Mending enggau Bejaku

Dingaka audio.

Landik Nengkebang



Aktiviti

1. Kerandauka penerang bepelasarka gambar enggau audio.
2. Dalam raban, beri simpul penemu nuan senentang inovasyen ti mai pengelantang idup.

Latih

Gaga siti inovasyen ngena barang buai guna baru.



Robot Niki Nyiur

Harun enggau bakih iya benung macha surat kabar senentang robot ti baru digaga dikena ngulihka buah nyiur.

SUKUT BERITA TEKNOLOGI BARU

BATU ANGGUNG, 12 Ogos – Siti robot ti baru digaga balat narit ati mensia mayuh maya pemandang *Program Science, Technology, Engineering and Mathematics (STEM)*.

Nitihka penerang ari penengkebang robot tu, iya suah puntan. Taja pia, iya enda kala putus pengarap tang majak ransing nembuka robot nya. Berekat ari pengeliat ati, iya mujur ngaga robot ngena teknologi ti baru.

Robot nya dikena mutarka penanggul ngulihka buah nyiur ti tinggi. Robot tu mudah dikena sereta nyamai dibai mindah. Iya ulih ngelimat jam sereta ulih gawa enggau laju.

Taja pan robot tu digaga ngena teknologi baru, tang rega iya enda sangat mar. Iya ulih dibeli semua orang ti deka begunaka iya. Nya alai, mensia mayuh diperansang nengkebang mayuh agi teknologi baru ti ulih mantu ngereja pengawa besehari-sehari.



Aktiviti

1. Baca teks di atas dikena ngulihka ajar manah ari pengawa ti digaga.
2. Giga ajar manah ari teks di atas.

Latih

Ba runding nuan, nama penguntung bekenaka teknologi baru dalam dunia moden diatu lalu nama empas iya ngagai pengidup kitai?





Jalai Jaku

Dingaka audio.

Teknologi dalam Pengidup



Hai, nama aku telefon pintar. Aku digaga ngena teknologi baru. Tubuh aku mit lalu nyamai dibinching. Kelimpah ari ulih nyaut kangau sereta nganjung mesej, aku mega ulih dikena *control* perengka karan ba rumah. Perengka karan ti ulih kena *control* aku baka ngidup enggau madamka suis pagar rumah, lampu, *alarm* enggau kamera pengelikon CCTV (*closed-circuit television*). Enti kita enda ingat ngidup tauka madamka perengka karan di rumah, aku ulih dikena kita *control* ari jauh.

Kita enda ibuh irauka pengelikon perengka karan di rumah laban aku ulih madah nyema bisi penanggul nyadi nengah aplikasyen ti bisi dalam tubuh aku.



Aktiviti

Bacha teks di atas lalu kelala ayat penerang dalam teks.

Latih

Dalam raban, gaga lima ayat penerang dikena nerangka perengka teknologi ti bukai.



5.2.3 (i)

59

KPM

Audio 22




Peneleba Harun



1

Mayuh audiens



2

Masang robot



3

Pemanah robot



4

Nerima perais menang

Aktiviti

Peratika gambar sereta penerang ti diberi.

Latih

Tulis siti karang kreatif ti menyana.



Bungai Jaku

Inovasyon Kreatif

Indai Benya tekenyit meda chit ayan ba dapur. Benya lalu mansang ke dapur pengudah ninga indai iya nyerauh.



Benya meda indai benung muru chit



ngiga informasyon - chara ngurangka chit



ngaga bubung chit



chit makai umpan



butul dikerat - ngaga bubung chit

Aktiviti

Beratika gambar sereta penerang ti diberi.

Latih


Dalam raban, tembuka cherita bepelasarka gambar enggau penerang.



Pengukuh


Seridi

Pilih lalu tulis ayat penerang ba bup latih.



Dini kitai bulih tali?

Robot digaga ngena teknologi moden.



Sains beguna dalam pengidup kitai.

Pengajar Galang benung ngajar.

Apu, mayuh amat semut ba gula nya!


Lalat nya sebansa indu utai ti terebai.

Butul pelastik mayuh guna.

Ulih nuan ngambika aku guntin nya?

Akai rai, pedis amat jari aku!

Au, terima kasih ke penerang nuan.



Chit mai-mayuh penyakit.

Pengaya


Tulis ayat penerang bepelasarka tetiap gambar dikena nerangka guna teknologi dalam pengidup.











Tisih

Bacha teks lalu saut tanya di baruh tu.

Letchumi chukup gaga nerima siti komputer beserimbai enggau hari pengada iya. Komputer nya tepa ari apai iya. Letchumi berasai gaga ati lebu apai iya nyambung internet ngagai komputer nya ngambika ulih dikena sida sebilik.

Sekumbang bisi komputer nya, Letchumi lantang amat ati. Iya enggau adi iya ulih nembuka pengawa sekula enggau manah. Seduai iya ulih nyimpan mayuh data sereta informasyen kelebih agi not pelajar ba siti fail.

Kelimpah ari nya, Letchumi ulih ngiga mayuh informasyen ti ulih mantu iya dalam pelajar nengah internet. Iya ulih nambahka penemu lebu bekenaka librari elektronik. Diatu, semua informasyen ti dipegunaka iya ulih jampat sereta mudah digiga.

1. Nama kebuah Letchumi dibelika apai iya komputer?

2. Giga sereta tulis dua kebuah Letchumi berasai lantang ati dalam teks di atas?

a) _____
b) _____

3. Giga lalu tulis tiga ayat turu ti bisi dalam teks.

a) _____
b) _____
c) _____

4. Tulis tiga ayat penerang bekaul enggau pemanah komputer.

a) _____
b) _____
c) _____



DAGANG MAI PEMANSANG



Aram Mending enggau Bejaku

Dingaka audio.



Nemui Serayaka Belajar

Kepala Pengajar Entawan mai bala nemiak ari sekula sida nemuai ngagai Rumah Panjai Batu Anggung.

Aktiviti

Dalam raban, berandauka pengawa dagang Rumah Panjai Batu Anggung bepelasarka audio.

Latih

Ba penemu nuan, liska pekara ti patut digaga ngambika rumah panjai ditemu bala temuai ari menua bukai.






Aram Macha

Bacha surat kabar di baruh tu.

Penemu Pun Penguntung

Han Yin benung macha surat kabar enggau apai iya. Seduai temegah ati lebuah tebachaka berita senentang Batu Anggung.

BATU ANGGUNG, 15 September – Rumah Panjai Batu Anggung udah tebilang nyadi palan ngelantangka ati. Pemanah rampa menua meruan dijaga. Temuai ke datai ulih neres kampung tuai, niki bukit enggau memarin ba ai wung. Bala temuai ke bemalam bepeluang meda sereta belajar main asal Iban baka ngajat, bekuntau enggau betabuh.



Kelimpah ari nya, asil pengelandik jari bisi dijual ngagai
bala temuai baka tikai bemban, tanggi enggau tenggak
ti digaga ari marik. Pemakai asal enggau asil betanam
betupi mega bisi dijual ditu baka manuk pansuh, ikan lulun,
penganan, ensabi enggau jagung. Siti pekara ti narit ati iya
nya palan makai ti digaga ba atas sungai. Lebuah makai
ba palan nya, temuai berasai nyamai sereta chelap laban
ayung kayu besai ti tumbuh ba tebing sungai.

Penelap enggau penyiru perayat Rumah Panjai Batu
Anggung tu nyadi buah kenang ukai semina temuai ari
menua tu empu tang mega temuai menua tasik.

Sida serumah ngarapka dagang sida tu betuchung baka
bukit, bekebung baka langit.

Aktiviti

Dalam raban, rintaiika pekara ti ngerinduka ati belalauka
teks ti udah dibacha ngena kar gelembung.

Latih

1. Nama utai ti bisi dijual ba Rumah Panjai Batu Anggung?
2. Ba penemu nuan, nama kebuah temuai rindu datai ngagai Rumah Panjai Batu Anggung?






Jalai Jaku

Bacha teks di baruh tu.

Motif Ukir Tuai Rumah Nata

Sundai benung berandau enggau Tuai Rumah Nata ti benung ngukir terabai di ruai.



Aktiviti

Dalam raban, kelala lalu tulis ayat tanya dalam dialog ngena kar kayu.



Latih

Tulis lima ayat tanya enggau betul.



Aram Nulis

Dingaka audio.



Sama Tang Enda Sebaka

Tuai Rumah Nata iya nya menjar Kompeni Jari Ajih ti chukup tebilang di pelilih menua Batu Anggung. Kompeni iya udah mujur bejualke asil pengelandik jari ngagai tikas antarabangsa.

Lebuh berandau enggau peberita, Tuai Rumah Nata madahka pemujur dagang tu bepun ari pengeliat ati ngereja pengawa. Iya mega madahka, kitai mesti bisi inuvasyen ba siti-siti produk ti ulih ngayanka tukoh enggau guna nitihka idar pemansang dunya ke diatu. Kelia, perengka tabuh baka ketebong enggau dumbak tu digaga ari kereban baka kayu, rotan, danan enggau kulit jelu. Tang diatu, kereban ti dikena semina batang paip palastik, tali tansi enggau cenvas. Mayuh agi asil pengelandik jari digaga nyadika tepa enggau pengias bilik. Rega siti-siti produk tu nitihka pemesai enggau kereban ti dikena ngaga.

Aktiviti

Giga lalu kemetulka leka jaku ti salah sepil dalam teks.

Latih

Tulis baru teks ngena sepil ti betul dalam bup tulis.



Dingaka audio.

Aku Ketebung

Aku Ketebung. Aku dijual ba kedai tepa Mr. Gima. Lemai siti, siku lelaki ke benama Galang datai ngagai kedai. Iya lalu napatka aku ti dikaitka ba dinding kedai. Enda lama udah nya, iya nanya rega aku ngagai Mr. Gima.

“Berapa rega ketebung tu, unggal?” ku Galang sambil megai aku.

“Rega iya RM200.00 aja,” saut Mr. Gima.

Pengudah Galang mayar aku ba kaunter, iya lalu pulai ke rumah.

Datai di rumah, aku meda dua iku mayau ngambat Galang ba mua pintu. Aku diengkah iya ba atas bangku nunga televisyen. Dua hari udah nya, enda mukai-mukai mayau Galang ngeramak aku. Kulit aku charik, tubuh aku rajai baka ke dikeranjai manuk banda. Aku nyadi ayam mayau Galang.

Galang sinu meda pendiau aku. Hari siti, iya mai aku betemu enggau Mr. Gima laban deka ngaga kulit enggau tubuh aku baru.

Diatu, aku berasai temegah ati laban udah disimpan dalam jemari kacha nyadi tepa ngias bilik besai sida Galang.



Aktiviti

Tusi cherita di atas ngena intonasyen ti betul.

Latih

Tusi cherita bukai ti ditemu nuan ba mua kelas.



Pengukuh

Seridi

Tembuka randau di baruh tu.

.....

Sapa ti nyimpai ketebung tu aya?

.....



Rega ketebung tu RM200.00 aja.

.....

Kedai tepa tu dibuka ari pukul 8:00 pagi nyentuk ke 5:00 lemai.

Pengaya

Tuliska rurun pengawa ngaga dumbak ba bup latih belalauka gambar enggau rambai jaku ti diberi.

Dumbak tembu.



Nyimpai kulit kambin ba dumbak.

Nyembi kulit kambin ba penyedai.

Nyediaka kereban ti dikena.

Kayu ditebuk nyadi rumbang dumbak.

Kikis bulu kulit kambin.



Tisih

A. Pilih saut ti betul.

1. Nganyam tikai ba ruai nyin ini ... ?

A. nama B. berapa C. sapa D. kini

2. Kita serumah ... pintu?

A. kemaya B. lapa C. berapa D. nama

3. “Unggal, ... endur Rumah Panjai Batu Anggung?” tanya Han Yin.

A. berapa B. kati C. kemaya D. dini

4. “Endun, ... nuan deka mupuk ke Kuching?” ku indai.

A. kini B. kemaya C. berapa D. sapa

5. “Ba penemu nuan, ... pengawa ti patut dikereja dikena nyaga pemeresi rumah panjai?” tanya Kepala Pengajar Entawan.

A. kati B. berapa C. nama D. kini

B. Tulis siti karang belalauka gambar di baruh tu.



idup miskin - bagas - barang
guna baru - berundingka



ngambi kus - pengelandik jari -
liat ati



bisi asil - dijual - berega -
buah jari



nirika kedai tepa - *website* - maju



Aram Mending enggau Bejaku

Dingaka audio.

Asil Dagang

Aku deka belagu dinga kita semua,
Andal ati kami udah Primari Lima,
Belajar penemu dagang mayuh amat guna,
Sama kitai bedagang ngena mayuh chara,
Bedagang diatu senang dunya nadai antara,
Ngena kereban TPK mudah ngatur kereja,
Dijual nengah internet dibeli mayuh bansa,
Mayuh macham barang dijual enda ngira maya,
Ngenataika penguntung nambahka reta,
Betanam enggau betupi bulih jereki sama,
Dagang pengelandik jari bisi amat rega,
Bedagang serata dunya ngelui antarabansa,
Duit nyadi kredit penabat sebarang maya,
Pengawa diberekat seruran dijaga petara.

(Tiun: Pantun Bulan)



Penyedal

TPK - Teknologi Pemadach
enggau Komunikesyen

Aktiviti

Nyadaka leka main nitihka ton, enteli
enggau entak sebut ti betul.

Latih

Tulis lalu sadaka segenteran leka main
senentang pengawa dagang.



Bacha teks di baruh tu.



Tikai Temuai Tanda Peningkat

Bungan seduai Letchumi nemuai ngagai rumah Benya. Seduai iya tekait ati meda pemanah tikai plastik ti dianyam ini Benya.

“Manah amat tikai plastik nuan tu, ini,” puji Letchumi sambil megai tikai.

“Terima kasih, uchu,” saut ini Benya.

Bungan seduai Letchumi rindu meda buah tikai ti dianyam ini Benya.

“Buah tikai tu nunda motif utai tumbuh. Kelia, tikai dianyam ari bemban, kerupuk enggau senggang. Tang diatu, tikai dianyam ari plastik laban mayuh chura, tan sereta muntang agi dibeli,” pia ku ini Benya.

Sebedau mulaika diri, Bungan seduai Letchumi diberi ini Benya selambar tikai siti siku. Seduai gaga amat ati nerima tepa nya.

“Terima kasih, ini,” pia ku Bungan seduai Letchumi.

“Sama-sama, uchu,” saut ini Benya.

Aktiviti

Macha teks ngena entak sebut ti betul.

Latih

Tulis guna tikai ti ditemu nuan ngena kar gelembung.





Dingaka audio.

Ayat Perintah

Maya ujung minggu tu tadi, Han Yin ngusung Harun laban deka ngiga bansa ukir nengah internet dikena ngaga projek tepa sekula.

Han Yin: Selamat pagi, unggal. Nama pengawa nuan dia?

Harun: Selamat pagi. Lalu, duduk unggal. Aku benung ngelawa internet ngiga bansa ukir ti patut dikena tua.

Han Yin: Terima kasih. Minta nuan nerangka ukir ti patut digaga.

Harun: Bansa ukir digaga tua nundaka motif utai tumbuh sereta jelu baka daun, randu, bungai, ikan enggau burung.

Han Yin: Au mih, unggal. Uji tua mai Berain laban iya bisi agi peneleba ba pengawa ngukir tu.

Harun: Amat ku nuan nya. Berain kala nero ukir bungai terung enggau burung kentalang maya kelas Pendidikan Seni Visual.

Han Yin: Aram tua ngusung iya diatu ngambika enda nguta jam. Ingatka kereban ti patut dikena, unggal.

Harun: Au, unggal.

Aktiviti

Ngelala bagi ayat perintah ngena kar runding lalu pandangka ba mua kelas.

Latih

Tulis lima ayat perintah.





Aram Nulis

Bacha teks di baruh tu.

Pemanah Meruan Dikeingat

Tumu pagi siti, Jiram mai bini iya nurun ke babas ngiga daun sabung ti deka dijual ba tamu Batu Anggung. Tangan niki mata panas dia seduai tetemuka madang daun sabung. Lebu rindang ngambi daun sabung, enda mukai-mukai seduai ninga munyi nyawa utai ti nyerauh. Seduai lalu napatka adap munyi nyawa nya. Datai dia, seduai tekenyit meda siku mayas dibelit akar kayu ba kaki.

Tulong lepas ke aku pia ku mayas.

Au mih ku saut Jiram.

Jiram lalu ngetas akar kayu ti melit kaki mayas.

Terima kasih ke penyinu seduai ngagai aku ku mayas.

Udah nya Jiram seduai bini iya mupuk mulaika diri Ba rantau jalai dia seduai tetemuka sigi tajau ti jalan pemesai. Tajau nya ngundan mayuh mas enggau intan.

Enti kitai ngereja pengawa ke manah kitai deka dibalas enggau pemanah sereta diberekat petara ku Jiram bejaku engggau bini iya.

Chukup gaga ati seduai mai tajau nya pulai ke rumah. Tambah mega, daun sabung ke dijual seduai laku.

Aktiviti

Kemetulka tanda bacha dalam teks.

Latih

Tulis baru teks ngena tanda bacha dalam bup latih.



Bungai Jaku

Dingaka audio.

Liat Ati

Pua kumbu,
Ngepan bansa Iban,
Sehari tu meruan dikemeran,
Baka rutan tampung danan
baka wi tampung tali.

Pua kumbu,
Ngerenchah dunya teknologi,
Ngena inovasyon ngasuh majak pegari,
Nyadi buah jari dijual serata negeri,
Pemanah chura baka bintang pegari,
Ngasuh temuai mayuh sangkai rindu meli,
Chukup laku baka terempas di batu.

Pua kumbu,
Diatu digaga nundaka macham pengawa,
Mansang dipandang ba menua tasik,
Mantai kereja sida landik bagas gawa,
Baka sampuk nebuk batang kayu,
Nyungkak ekonomi meruan diuan.

Aktiviti

1. Nyadaka leka main ngena entak sebut ti betul.
2. Liska jaku sema banding ti bisi dalam teks.

Latih

Tulis reti jaku sema banding nitihka konteks dalam teks.






Pengukuh

Seridi

Tulis ayat ngena ayat perintah bepelasarka gambar.



Blank writing area with three horizontal lines.



Blank writing area with three horizontal lines.



Blank writing area with three horizontal lines.



Blank writing area with three horizontal lines.



Blank writing area with three horizontal lines.

Pengaya

Tulis jaku sema banding ti betul belalauka ayat ti diberi.

baka muai garam ke tasik

baka pagar makai umai

baka kera diberi bungai

baka sampuk nebuk batang kayu

munyi empulu dichabut iku

baka lang dipala rimba

1. Bala nemiak SK Batu Anggung penapat inat ngaga taman sains sekula.

2. Taja pan Rimun bebendar deka miki kereta iya tang pengujung iya majak jai.

3. Jiram nyadi teladan sida sekelas laban iya nemiak ti mereti sereta rajin belajar.

4. Saiful nerima perais sebuah entukar laban menang pekit ngukir tajau, taja pia iya nadai lisin deriba.

5. Dato Lim berasai enda puas ati ke tukang ti diasuh ngaga rumah laban pengawa ti digaga enda menuku.

6. Sundai enda ngetu-ngetu becherita senentang peneleba nemuai ke Punchak Borneo maya peremisi sekula.

Tisih

A. Pilih saut ti betul.

1. ... berebut-rebut maya niki bas.

A. Uji mih B. Lalu mih C. Anang D. Enda

2. ... buai tulang ikan ke dalam tung uras.

A. Arap B. Enda C. Tulung D. Uji

3. "... kita nuliska nama ba keretas saut," ku Pengajar Galang madahka nemiak.

A. Anang B. Lalu mih C. Aram D. Minta

4. ... makai penganan iri enggau pulut manis ke diberi ini Berain.

A. Aram mih B. Anang C. Uji mih D. Pupuk mih

5. "... semua bala ngambi penuduk laban pemesai ti dipebasa enda lama agi deka datai," ku Kepala Pengajar Entawan.

A. Tulung B. Minta C. Uji D. Lalu mih

B. Gaga karang pandak bepelasarka gambar.






Aram Mending enggau Bejaku

Dingaka audio.

Meruan Ditabuh Meruan Didinga

Pengajar Galang betanya saut enggau nemiak Primari 5 Kesuli senentang kereban tabuh.



Aktiviti

Ngena chara *Role Play*, betanya saut senentang kereban tabuh.

Latih


Ba runding nuan, nama pengawa ti patut dikereja kena ngemeranka pengelandik betabuh.





Aram Macha

Bacha teks di baruh tu.



Sama Belajar

8:00 pagi



Hari Enam,
10 Oktober 20

Pengajar Galang berengkah ngajar chara malu tawak, bebendai enggau mangkung engkerumung. Tetiap iku nemiak dipinta **nguji** kediri malu tawak, bebendai enggau engkerumung ti betul.

7:00 pagi

Kami **sekelas** begempuru ba balai sekula. Kepala Pengajar Entawan meri penerang senentang program belajar betabuh. Tuju program tu diatur dikena **ngenanka** main asal ngambika enda danjan dibai bulan, enda **lesi** dtabanka hari. Kami dipinta nitihka **perambu** program ngambika pengawa mujur dipejalaika.

10:00 pagi



Kami belajar **nempap** dumbak enggau ketebung.

11:00 pagi

Kami lalu dibagi ngagai tiga **raban**. Raban keterubah malu tawak, bebendai enggau mangkung engkerumung lalu raban kedua nempap ketebung enggau dumbak. Raban ketiga ngajat.

7:30 pagi

Pengajar Galang mandangka video betabuh ba bilik muzik. Udah nya, kami lalu mantaika **kereban** kena betabuh.

12:00 tengah hari

Program tu ngerinduka ati bala kami. Udah tembu **merarau**, kami pan mulaika diri.



Aktiviti

Ngiga reti leka jaku ti bechura mirah dalam teks.

Latih

Tulis ayat ngena leka jaku ti bechura mirah ba bup latih.



Ayat Aktif

Berain mai sida sekelas bemain pang gelipang.

1



Berain enggau bala bakih iya begelumu ba ruai. Berain ngajar bakih iya bemain pang gelipang.



2

Bala nemiak berengkah bemain. Han Yin ningkap ba tikai. Iya dipilih nyadi pampam. Berain negu belakang Han Yin pengudah tembu nyada leka main pang gelipang. Han Yin angkat sereta nyangka sapa bakih ti ngelalaika buah.

3



Diatu gintir Harun ningkap. Iya nyadi pampam. Bala nemiak ke bukai nyada leka main. Harun ulih nyangka lalai buah.



4

Udah nya, gintir Berain nyadi pampam. Bala nemiak nyada leka main. Berain ngiga lalai buah. Sida rindu amat bemain pang gelipang.

Aktiviti

Dalam raban, kelala bagi ayat aktif.

Latih

Tulis lima ayat aktif.



Penyedal


pampam - begigaka pangan ke belalai udah mata ditutup



Aram Nulis

Bacha teks di baruh tu.

Letchumi benung berandau enggau aka iya ngena telefon.





Bungai Jaku

Dingaka audio.



Ransing Sekula

Kajang dih kunda wa,
Aih kajang dih kunda wa,
Aram mih tua punga,
Sama belajar nyepu kesuling,
Belajar tua sama bebendar,
Ari segenggam nyadi segantang,
Aram mih tua janggi,
Anang mantul alah asa,
Sabar nya penabar lelak,
Pemagas mai pemujur,
Aram mih kitai kaban,
Mesti ransing nurun sekula,
Pengerai mesti dijaga,
Tubuh regas pintar belajar.

Aktiviti

1. Nyadaka leka main ngena entak sebut ti betul.
2. Liska lalau pendiau ti bisi dalam teks.

Latih

Tulis reti jaku lalau pendiau nitihka konteks dalam teks ba bup tulis.





Pengukuh

Seridi

A. Tukar ayat pasif ngagai ayat aktif di baruh tu.

1. Bol nyin ditendang Han Yin.

2. Ai oren tu digaga Sundai pagi tadi.

3. Rumah limas nya dibeli aya Bungan.

4. Makmal Sains sekula kami dilawa Kepala Opis Pelajar Negeri Sarawak.

5. Kereban tabuh lama enggau moden bisi dijual ba kedai Tuai Rumah Nata.

B. Gaga ayat pasif ngena jaku di baruh tu.

1. diraut: _____

2. dichura: _____

3. disumai: _____

4. dianyam: _____

5. dianchau: _____

Pengaya

Giga reti jaku lalau pengidup lalu gaga ayat.

1. Bisi gaya bisi rega.

Reti:

Ayat:

2. Bisi pasang bisi surut.

Reti:

Ayat:

3. Dulu bejagung seraya nganti padi mansau.

Reti:

Ayat:

4. Belakang duku enti diansah tau nyadi tajam.

Reti:

Ayat:

5. Sehari selambar ubung, lama-lama nyadi kain.

Reti:

Ayat:

Tisih

A. Kemetulka ayat di baruh tu.

1. Apai pulai laun kereja demalam lapa?

2. Dina nepu ke dalam lachi semua bup nya.

3. Ngaga sarang ba puchuk kayu rian burung puna.

4. Pengajar Jira kemaya datai ari pasar Batu Anggung?

5. “Ke dapur kin endun minta tulung nganjung pinggai tu,” ku indai.

B. Isi lapang di baruh tu ngena leka jaku ti betul bepelasarka gambar.

1. Ai mata iya ... laban kelalu sinu.

A. labuh

B. nanjah

C. siuh

D. nuang



2. Kera nya benung ... ba dan kayu tebelian.

A. labuh

B. bejelangkit

C. engkejuk

D. bejalai



3. Kapal sedagar benung ... ba Pengkalan Klang.

A. sangkai

B. belabuh

C. datai

D. pulai



4. Ibu Sundai ... gari sida sebilik sambil meda televisyen.

A. nusun

B. ngerendam

C. ngeredai

D. nipan



5. Aya Berain ... kayu api nya ngena kapak.

A. nyayat

B. nukup

C. netak

D. melah





Aram-Mending enggau Bejaku

Dingaka audio.

Pemuju Karnival Dagang

Kepala Pengajar Entawan ke nyadi chairman pengatur pengawa Karnival Dagang meri jaku pengaga ati.

Karnival Dagang
SK Batu Anggung



Aktiviti

Ngena chara beraban, betanya saut ngena jaku ti belebas senentang penguntung enggau chara bedagang.

Latih

Ba runding nuan, nama pengawa ti patut dikereja dikena ngemansangka dagang ke bukai?





SK BATU ANGGUNG

BILIK ► PUN KENANG ► PENGAJAR ► APAI INDAI ► KENANG PENULIS ► PENULIS ►

Betulung Sama Untung

Seminggu sebedau Karnival Dagang digaga, Kelab Bahasa Iban sereta Gerempung Apai Indai enggau Pengajar bisi ngerupan meresi kandang sekula, palan bejual enggau ngechat dinding balai sekula. Taga pengawa tu dibagi ngagai raban ngambika ulih digaga manah sereta enda nguta jam.

Pengajar Jeleni nguluka bala nemiak indu ngaga *rosette* dikena nyadi tanda pengingat temuai ti datai maya karnival nya. Sida ditangan enda ngeruaka perengka ti diguna ngaga *rosette*. Pengajar Galang nyadi tuai meresi enggau ngias balai sekula. Bala nemiak ransing ati ngereja pengawa ti ngasuh apai indai temegah ati. Sebedau pulai ke rumah, Kepala Pengajar Entawan meri besai terima kasih ngagai semua ti datai enggau ngerupan. Iya madah penguntung karnival tu ukai semina meri penatai pemisi tang meri penemu ti manah.

Karnival tu mega meri peluang ngagai bala nemiak nyual asil pengelandik jari. Kelimpah ari nya, karnival tu dikena ngirika pengelandik sereta peransang ngagai nemiak ngereja pengawa dagang nyadika batang pengidup. Nya alai, besampi ngagai petara meruan merekatka pemujur bala nemiak dataika jemah ila.



Penyedal

rosette – perengka ari ribin tauka barang bukai ti digaga nyadi bungai pengias baju temuai enggau ke bukai

Aktiviti

Bacha lalu liska ajar manah ti bisi dalam teks.

Latih

Belalauka ajar manah ti udah diliska nuan, tuliska siti genteran simpul penemu ti betul ba bup latih.





Jalai Jaku

Ayat Pasif

Bacha teks di baruh tu.


Pekit ngaga asil pengelandik jari ari barang buai guna baru deka digaga ba SK Batu Anggung minggu baru. Bungan seduai Sundai enggau pekit nya. Seduai besaup ngaga bakul bup ari gilin plastik. Serayaka nganti Benya datai ke rumah, Sundai nyediaka perengka ti diguna seduai.

Bas sekula ti ditepan Bungan udah datai di mua rumah Sundai. Bungan enda ulih nurun ari dalam bas laban hari ujan. Tambah mega, payung enda dibai Bungan. Sundai lalu ngambi payung.

Sundai pan bejimat bejalai nuju bas. Payung biru nya disuaka Sundai ngagai Bungan.

Bungan seduai Sundai lalu mupuk mulaika diri ke rumah. Beg dima Bungan lalu butul ai dibinching Sundai.

Seminggu udah pekit nya, bakul bup ti digaga seduai dipilih nyadi pemenang dalam pekit nya. Bungan seduai Sundai gaga amat ati.



Aktiviti

Dalam raban, kelala bagi ayat pasif enggau jaku penempat.

Latih

Tulis lima ayat pasif ti bukai.



Bacha teks di baruh tu.

Pemujuur Nyadi Teladan



Ripot Karnival Dagang SK Batu Anggung

Kena 31 Oktober tu tadi, sekula kami bisi ngatur Karnival Dagang enggau Gerempung Apai Indai enggau Pengajar. Karnival Dagang tu dipenyadika Kepala Pengajar Entawan. Bala pengajar, apai indai enggau nemiak bela sampal datai ngerami karnival tu. Sekeda program ti udah diatur maya nya baka pemerindang atas panggau, ngajat ngelalu temuai, pekit betabuh, main asal nemiak mit enggau bejual tikit benasit. Sida nemiak diberi tanggung pengawa nitihka ungup raban diri. Sekeda ari tanggung pengawa nya baka nyual asil pengelandik jari, pemakai asal enggau nebah kereban tabuh. Temuai menua tasik ti datai bisi bebelika asil pengelandik jari ari bala nemiak. Sida tekait ati meda pengelandik bala nemiak betabuh. Karnival Dagang tu dikearapka ulih meransang pengerindu sereta meri peneleba ngagai bala nemiak senentang pengawa dagang.

Disediaka,

2 November 20□□

Benya

(BENYA ANAK RIMUN)

Sapit Sekretari,

Kelab Bahasa Iban,

SK Batu Anggung

Aktiviti

Tentukan genteran dalam teks.

Latih

Tulis baru teks ngena genteran ti betul dalam bup latih.



Aram Nulis

Berain Anak Jiram,
No.651, Jalai Batu Lama,
12345 Batu Anggung.

1 November 20□□

Tabi akih Mandau,

Nama berita nuan diatu? Tuju aku nulis surat tu laban deka bekunsi peneleba enggau nuan senentang Karnival Dagang sekula kami.

Akih,

Taun tu, kami sekelas diberi pengawa nitihka perambu ti udah ditetapkan.

Pengawa kami iya nya bejualka asil pengelandik jari baka bungai keretas, penanda bup enggau ti bukai. Asil pengelandik jari tu digaga kami ari barang buai guna baru baka kutak, surat kabar enggau butul pelastik. Kereban tabuh enggau pemakai asal pan bisi dijual baka kesuling, ikan lulun enggau manuk pansuh.

Maya karnival tu, barang ke dijual kami laku amat. Untung ulih kami taun tu bisi RM500.00. Kami chukup gaga ati.

Kepenudi, arapka tua ulih betemu maya peremisi ujung taun tu. Arapka kitai bela diberekat Tuhan sereta mujur dalam pengidup besehari-sehari. Nya aja, terima kasih.

Ari petunggal nuan,

Berain

Aktiviti

Kemetulka indent ti bisi dalam surat pekirim rama.

Latih

Tulis baru teks ngena indent ti betul dalam bup latih.



Sereta Mansang

Rindu amai ati,
 Begulai enggau bala bakih, } 2x
 Sama ngerembaika dagang, } 2x
 Ngena teknologi kereban IT. }

Mesti tajam ati,
 Ngereja asil pengelandik jari, } 2x
 Dijual ke luar negeri, } 2x
 Puku nambah tetiap hari. }

Sida ke tuai gaga ati,
 Meda anak seruran mereti, } 2x
 Belajar di universiti, } 2x
 Besai ati ngulihka degree. }

Nyambut temuai datai, } 2x
 Ngena basa ati lurus, } 2x
 Pulai sida iya lantang, } 2x
 Dagang temuai majak mansang. }

(Tiun Lagu: *Lenggang Lenggang Kangkung*)



Aktiviti

1. Nyadaka leka main ngena entak sebut ti betul.
2. Liska simpul jaku ti bisi dalam teks.

Latih

Tuliska reti simpul jaku nitihka konteks dalam teks ngena kar rurun ba bup tulis.



Pengukuh

Seridi

Isi lapang ngena leka jaku ti disediaka.

diaduka

dipakal

ditanam

ditampi

diberus

dikena

dibasu

dijuluk

ditusui

dijual

1. Ngeli kitai patut ... tiga kali sehari.
2. Padi ... ngambika ulih muai ampa.
3. Buah enggau sayur mesti ... sebedau diempa.
4. Buah empelam ti mansau ... Harun ngena buluh.
5. Perau ti pesuk ... Tuai Rumah Nata lemai kemari.
6. Bungai kenunsung mayuh ... ba kandang sekula.
7. Selebuan bebendai ... ngagai temuai ari menua tasik.
8. Kerita Kepala Pengajar Entawan ti rusak, udah ... Ah Poi.
9. Baju burung suah agi ... lebu ngintu pengerami Gawai Dayak.
10. Cherita Pelanduk enggau Tekura ... aki Berain ngagai bala nemiak ba ruai.

Pengaya

Nguji Pengelandik

Adar


- Gaga empat iti stesyen.
- Bagi nemiak ngagai empat raban mit.
- Tiap raban dipinta mindah sepengudah nembuka saut tanya ti diberi ba tetiap stesyen.

Endur

- Di dalam tauka di luar kelas.

Pemenang

- Raban ti jampat nembuka saut enggau betul.



Tisih

Pilih saut ti betul.

A. Ayat Aktif

nelan

mantun

macha

nambat

nero

manduk

nupi

1. Aya Sundai ... chapi iya ba baruh pun sibau.
2. Sundai seduai indai iya ... rumput ba kebun.
3. Jawan ... gambar dua iku burung kenyalang.
4. Benya seduai Bungan agi ... bup cherita ba librari.
5. Ular sawa ... anak manuk di dalam sangkar aki Galang.
6. Letchumi benung ... manuk kari enggau indai iya ba dapur.
7. Aki Harun bisi ... rusa enggau chapi ngena chara bedandang besai.

B. Ayat Pasif

1. Chit ... mayau Pengajar Galang malam tadi.
A. dipanduk B. ditanchang C. ditangkap D. disipat
2. Jala ti charik nya udah ... ngambika ulih dikena.
A. ditenun B. disanggit C. disepit D. diseruri
3. Barang buai guna baru patut ... enggau manah ba rumah.
A. dichelak B. dikena C. dibuai D. ditempatya
4. Retak menuang enggau ensabi ... ini Sundai ba pasar malam.
A. dijembi B. dilalai C. ditutuk D. dibeli
5. Buah lada ti mansau udah ... sida Berain sebilik minggu nyin kemari.
A. diketau B. diayah C. direndam D. disalai
6. Pengerai tubuh kitai mesti ... ninting hari ngambika kitai meruan regas.
A. dipadam B. dijaga C. dipulas D. ditarak
7. Temuai ari menua tasik datai nemuai ke Rumah Panjai Batu Anggung ... sida serumah enggau basa.
A. disambut B. disua C. dipansik D. ditumi

C. Tulis siti karang pandak ngena rambai jaku “enti deka seribu akal, enti enggai seribu tegal” belalauka langkar karang ba kar gelembung di baruh.

Jompat sereta likun

- barang dijual likun
- kos murah

Nyual mayuh bansa produk

- asil pengelandik jari
- asil betanam betupi
- kereban tabuh

Pemanah
Dagang Ngena
Internet

Bejual ba tikas menua
enggau antarabansa

- dikelala mayuh bansa
- dibayar ngena mata
duit menua bukai

Mayuh aplikasyen
ulih dikena

- media
- *online banking*

Dengan ini, **SAYA BERJANJI** akan menjaga buku ini dengan baiknya dan bertanggungjawab atas kehilangannya, serta mengembalikannya kepada pihak sekolah pada tarikh yang ditetapkan.

Skim Pinjaman Buku Teks			
Sekolah _____			
Tahun	Darjah	Nama Penerima	Tarikh Terima
Nombor Perolehan: _____			
Tarikh Penerimaan: _____			
BUKU INI TIDAK BOLEH DIJUAL			

RM16.00

ISBN 978-983-49-2841-4



9 789834 928414

BT205001

